

Buxa, Asociación Galega do Patrimonio Industrial

Lugar de A Revolta, Eirapedriña, 96

E-15895 Bugallido, Ames

Coruña, Galicia, España

C.I.F.: G 70 179 122

T. 981 891 405 / **M.** 670 063 279

F. 981 891 498

E. asociacionbuxa@asociacionbuxa.com

URL: <http://www.asociacionbuxa.com>



Bases do Premio de Investigación Buxa 2017-2018

Con carácter bienal, **BUXA, ASOCIACIÓN GALEGA DO PATRIMONIO INDUSTRIAL**, convoca concurso consonte as seguintes bases.

Tema

Traballo de investigación sobre o patrimonio industrial de Galicia, que contribúa ao coñecemento da industria nas súas abas técnica, arqueolóxica, histórica, económica, sociolóxica, ambiental ou historiográfica.

Partícipes

Persoas físicas de calquera nacionalidade, que presenten, de maneira individual ou colectiva, unha ou máis obras orixinais, escritas en lingua galega, inéditas e que non tiveran obtido anteriormente outro premio ou recoñecemento público.

Presentación

O resultado do traballo presentarase en documento orixinal e tres copias (ou fotocopias sinxelas), mecanografado en papel de 80 g/m², tamaño A4 e orientado verticalmente, a dobre espazo e por unha soa cara, con tipografía Times New Roman de 12 puntos. A obra, coas súas ilustracións, táboas e referencias bibliográficas terá unha extensión mínima de dez follas, e abranguerá un máximo de cincuenta follas, podéndose admitir ata cen de contar con xustificación suficiente.

Cada traballo presentarase baixo un lema, que figurará tamén no exterior da plica, en sobre pechado, na que se incluírán o nome, apelidos, enderezo, teléfono e correo electrónico da persoa responsable do traballo, así como o título do traballo realizado.

Na mención dos autores poderá engadirse a titulación académica, e a empresa ou institución á que pertencen. De se lo caso, farase mención das becas, axudas ou soporte financeiro co que se houbera contado para o desenvolvemento do traballo.

Entrega

Os traballos remitiranse a

Buxa, Asociación Galega do Patrimonio Industrial

Lugar de A Revolta, Eirapedriña, 96

15895 Bugallido, Ames

A Coruña, Galicia, España

Na presente convocatoria, a recepción dos traballos que se presenten a concurso rematará ás quince horas do trinta de decembro do ano dous mil dezasete.

Xurado

Estará constituído por catro persoas competentes no ámbito propio do concurso. A presidencia e a secretaría serán propostas por Buxa. A persoa responsable da secretaría terá voz, pero non voto.

A decisión do xurado será inapelable, e a súa composición farase pública coa comunicación da resolución do concurso.

Fallo

O fallo darase a coñecer na data límite do trinta de abril do ano dous mil dezaioito.

O concurso poderá ser declarado deserto no caso de que, ao xuízo do xurado, os traballos presentados non acadasen unha mínima calidade.

As obras rexeitadas polo xurado serán devoltas, por pedimento de quen as presentara, antes dun mes trala resolución do concurso, e serán destruídas transcorrido sen reclamación dito prazo.

Buxa, Asociación Galega do Patrimonio Industrial

Lugar de A Revolta, Eirapedriña, 96

E-15895 Bugallido, Ames

Coruña, Galicia, España

C.I.F.: G 70 179 122

T. 981 891 405 / **M.** 670 063 279

F. 981 891 498

E. asociacionbuxa@asociacionbuxa.com

URL: <http://www.asociacionbuxa.com>



Premio

Concederáse un único premio, dotado con dous mil euros. O premio estará suxeito ás obrigas tributarias establecidas pola lexislación de aplicación.

Como contra prestación por cada traballo aceptado, os autores recibirán gratuitamente dez exemplares da publicación na que se editen ditos traballos.

Publicación

Coas eventuais indicacións do xurado, tódolos traballos aceptados a concurso serán recollidos nun volume a editar por **BUXA, ASOCIACIÓN GALEGA DO PATRIMONIO INDUSTRIAL**, no prazo máximo dun ano tralo fallo. A tal fin, os autores cederán os dereitos correspondentes ao editor. Ademais, e de se lo caso, os autores deberán contar co permiso de publicación por parte da institución que financiara a investigación.

Para facilitar a súa revisión e edición, os traballos presentarase tamén en formato electrónico, e os arquivos de texto poderán ser *.doc (MSWord), *.rtf, ou *.txt. As ilustracións que acompañen ao traballo, para as que é recomendábel unha calidade mínima de impresión de 300 ppp, terán un formato electrónico matricial *.jpeg ou *.tif.

O sistema de citación bibliográfica dentro do texto do traballo será preferiblemente “autor-ano” (Sistema Harvard). As citas deberán extraerse dos documentos orixinais, indicando a páxina inicial e final do traballo do que proceden. Por mor da coherencia, no proceso editorial poderá requirirse dos autores a remisión da primeira páxina (fotocopia) de cada un dos artigos citados na bibliografía.

As ilustracións ou figuras (gráficos, fotografías, debuxos) levarán asignado un número arábigo consonte a súa aparición no texto, e virán identificadas co termo abreviado fig. seguido do seu número de orde. Os pes e lendas de cada unha virán igualmente identificados co número correspondente á ilustración.

O texto nas ilustracións deberá ser visible ao axustarse ao formato de 50 mm de ancho (unha columna) ou 110 mm de ancho (dúas columnas), aceptándose tamén 170 mm (páxina enteira), presentando un bo contraste para que no perdan calidade coa redución.

En calquera caso, para a publicación, e consonte o parágrafo que está a seguir, deberá engadirse co traballo unha folla de identificación, transmisión dos dereitos de autor, e asunción de responsabilidade ante terceiros, asinada por tódalas persoas que houberan contribuído intelectualmente ao desenvolvemento da obra presentada ao concurso.

Cesión parcial e non exclusiva de dereitos de autor, e asunción de responsabilidade ante terceiros

Coa remisión do traballo para o concurso e, de se lo caso, a súa aceptación e posterior publicación, os autores do mesmo ceden de maneira non exclusiva a **BUXA, ASOCIACIÓN GALEGA DO PATRIMONIO INDUSTRIAL** os dereitos de comunicación pública, reprodución, distribución e venda para a súa explotación comercial, por un prazo de trinta anos e en calquera lingua e país.

Os autores afirman que o traballo é inédito e fanse responsables fronte a **BUXA, ASOCIACIÓN GALEGA DO PATRIMONIO INDUSTRIAL** da autoría e orixinalidade da súa obra, así como de tódalas cargas pecuniarias que puideran derivarse para **BUXA, ASOCIACIÓN GALEGA DO PATRIMONIO INDUSTRIAL** a favor de terceiros con motivo de accións, reclamacións ou conflitos derivados do incumprimento de obrigas por parte dos autores.

Final

A presentación ao concurso supón a aceptación polos concursantes das bases desta convocatoria.